

РУСКИ НОВИНИ

ЗА РУСНОХ У КРАЛЪОВИНИ СХС

Виходза раз у тижню.

Цена на цали рок 100 Динари.

На 1/2 рока 50 Динари:

За Америку 4 долари на рок

Рукописи и други писма треба
посилац на адресу:

„РУСКИ НОВИНИ“ НОВИ САД
Бојовићева улица број 2.

Претплату на РУСКЕ-НАРОДНЕ
ПРОСВИТНЕ ДРУЖТВО, РУСКИ
КРСТУР (Бачка).

Рок IV.

Нови Сад, штварток 17. марта 1927.

Ч. II (118)

Нешкайшња култура У нашом отечеству

Прешлого разу була бешада о тим, цо то култура и як вредносц култури одвисна од двох главних вопросох людского живота: цо человек и кадзи идзе, нач жие? Поведли зме теди, же едино правдиви отвит на тоти питаня дава вира християнска.

Але пишни розум веліх людзох не сцел буц задовольни зос тим. Зато вони видумали велі кояки филозофски науки, котри иншак толкую людски живот и на гевти питаня даю свой, иншаки отвит.

За нас су найважнейши тоти, „ученяци“, цо ше волаю материялисти. Вони гваря, же Бога нет, ані души нет, а ест лем материя и шицко постало зос матерії. Откаль тота материя и як зос мертвей жеми постал живот и людски розум, того вони потолковац не знаю. Циль человека не у тим да Богу служи, и да душу свою спаши, але у тим, да ше цо вецей наужива, так як и каждая животиня.

Страшна то наука, тот материялізм! Але ище страшнейше, же ше нашло (и нешкаше вельо находзи) (людих, цо тоту науку прияли и веря у ню наместо у Бога. Материялізм, заражел и тото, цо човекови на жеми найвецей вредзи, заражел културу, и то баш нашу нешкайшню културу!

И так нешкайшна култура ровна ше по тей страшней, смертельней материялістичней науки баржей як по науки християнскей вири. А у тим ест причина, чом нешкайшна култура, гоч як високо розвита, не приноси людзом того, за цо одреджена, не приноси задовольство, мира и щесца.

Понеже не позна безсмертней души не може

розвивац правей духовней култури, нема темеля, на котрим би требало духовну културу будовац.

А духовна култура вельо важнейша и вреднейша од материялней. За кельо е више небо од жеми, душа од цела, за тельо духовна култура превишуе материялну. Цо цело без души, то чисто материялна култура без духовней култури.

Яки нам хасен зос того, же наша материялна култура така висока, же маме величезни фабрики, железници, автомобили, аероплани, телефони без дроту, електрику и наймодернейши ствари за каждодневни живот, кед людзе з дна на дзень постаю твардейши, не познаю любви гу ближньому, милосердія, справедливосци и доброты. Кед ше вирносц вишмеюе, а фальшивосц хвалі. Кед швет идзе лем за спреводзку. Кед человек бездушно гажи по человеку и ище ше радуе, же може и зна гажиц, спревесц, вихасновац... А шицко то лем зато так, бо нет духовней култури заснованей и збудованей на вири у Бога створителя и нет вири у безсмертну душу.

На то ест лем еден лік: вируци зос нешкайшей култури отрову безбожного материялизму, и удихнуц ей нови дух, дух християнски, дух Божи, дух евангельски. Нешкайшней високей материялней култури треба додац ище векшу културу духовну, културу души и шерца, збудовану на правдох христ. вири. Теди тота култура будзе подполна правдива култура и теди лем вона принеше людзом правдиве, глібоке щесце и мир.

Мих. Ф—ак.

ПОЛИТИЧЕСКЕ ПОЛОЖЕНІЕ

Медзи радикалами обачую ше два напрямы, котри би сцели да ше нешкайша влада прешири. Едни би сцели зос Радичом а други зос Давидовичем. Председатель влади Узунович не сцел би преширене зос Демократами, бо би мушел ім отпуциц вецей министерски места. Вон би сцел Радичевцох. Други радикали Пашичевци сцели ки зос Давидовичем, па ше бешедуе о тим, же би теди председательство влади превжал нешкайши министер просвити В. Вукичевич.

МУХАМЕДАНСКИ РАМАЗАН

През цали тот мешац шицки мухамедане славя свойо швето Рамазан. Во дне не едза, не пію, не куря, але кед ше на небе вечаром укаже перша гвизда теди ше започина гощина едзене, пице и танец аж до 3 годз. рано. И то вони волаю пост. Найсце красни пост.

ПУТ ЙОГО ВЕЛ. КРАЛЯ

Його Велич. Краль Александар зос Краліцу отпутовал на длушки час до Румуниї по приватней фамелийней работи.

СЦЕЛА УКРАДНУЦ ДЗЕЦКО

Познато, же кояки бездушни жобраци особено циганки знаю дараз украднуц и одвесц дзецко. Вони го покаліча: зо ваином му випаля очи, викруца ношки и ручки а вец иду зос нїм жобрац. Тих дньох у Београду една циганка по билим дню влапела едно дзвчатко, котре ше у своім дворе бавело и штурела го до торби. Мали брацик почал врещац и на щесце у

тот момент врацела ше мац дзецка и виняла дзецко з торби. Циганка сцекла. Чувайце родичи, вше дзеци, най вам буду под очми.

САМОСТОЙНИ ВАРОШИ

Вароши Београд и Панчево, жадаю да сами себу управляю автономно. Београдска обласна скупштина им то одобрила и так вони не буду припадац београдскей области, але буду сами за себе. За нїма думаю пойсц и други векши вароши, да на тот способ зачуваю цо векшу самостойносц.

ХОРОТА СПАНЯ

Хорота спаня зявела ше у даедних крайох нашей держави так у Ягодини (Сербия) похорел ше на тоту хороту Велимир Симич. Вон ше винчал в недзелю 27. фебр. и теди заспал и през 10 дні ше не пробудзел.

ЕДНА БЕЗДУШНА ПЛЯЧКА

У послїдни часи почали даедни началници обиходзиц и препатровац поедици тарговини у Войводини а при тим себе дали заплациц 500 Дин. На тот способ их дивурна виношела 2000 Дин. Тарговска и ремесельна комора против того протестирала и вельки жупан забранел таку бездушну плячку.

ВИВОЖОВАНЕ ШВИНЬОХ ЗАКАЗАНО

Немецка влада забранела увожовац забити швинї з нашей держави. Кед ше у тим даяк не посцигне спорозум зос Немешку, випатра, же при нас цена швиньом барз спадне.

Читайце „Руски Новини“

Пан Вздихуюци

Пришол сом недавно до єдного велького, богатого пана, котри ше вола Вздихуюци. Подумає себе, добри читателе, откаль таке мено тому панови. Откаль? Послухайце, па дораз сами порозумице.

„Но як ше маце, Пане“, питал сом ше, як то уж обичай. — Як ше я мам? Ша правда, же ми ніч не хиби. Мам цо єсц, мам дакус и наскладани грайцари. Але, але... цо то будзе з нами Руснацами! вздиховал себе пан Вздихуюци. Зос шицких нас странах нападую, шмею ше зос нас други людзе, до шерцох наших младих засадзую ненависц проци нам старшим... як то будзе, цо то будзе, кед ми старши вимреме, а дорошнє терайша младеж? Ах Боже, Боже, нарикал далей пан Вздихуюци. Нарикал, нарикал, але шедзел и ані пальцом не рушел, да поправи тих младших. А кед

треба було дацо написац до Руских Новинох, або календару, ой теди Пан Вздихуюци не мал часу. Не будзем ані споминац о тим, яки вон бул худобни, кед було треба дацо жертвовац на народну, або на церковну циль.

Читателе! Не слухайце таких панох Вздихуюцих, же бисце ше не заражели од ніх. Паметайце добре, же и вздихованє є некажліве, як и тота шпаньолска хорота цо тераз по швецє влада.

Не поможе нам нариканє и вздихованє. Кажди най ше бере до честней роботи. Най роби кажди, най ше кажди трудзи и мучи. Витирвала работа нам поможе и швет нас будзе ище баржей ценїц и почитовац, як то до тераз було. — Прето з Богом, з Божим благословом кажди до своєї роботи. Вшадзи честно и совистно.

Польо за хмель виберце себе так, да Вам воно будзе цо блїжей при рукох. Барз добре да садзице хмель до жеми, дає була пред тим бетелїна посажена, бо у такей жеми находзи ше азот, цо за хмель исто як човекови хлеб.

Як каждому познато, хмель буйна рошлїна, йому за живот треба моцну жем. Зато перша работа при садзеню хмеля: зос хлївним хнойом жем треба добре погноїц. И такей ше лапайце до ораня. Орце глїбоку на 15—30—35 центи.

У нашей Войводини людзе садза на два способи — вешенї и на яр. Єшеньске садзенє лепше, бо таки корень з яри уж пука и ище того року може принєсц красни плод. За єшеньске садзенє людзе себе вибрали октобер мешац.

Пред садзенюм преїдземе тоту жем раз — двараз зос рольу. Садзи ше у квадрат на 126 центи (4 шухи) хмель од хмелї. Правда за перши и други рок у длужини можеце садзиц и лєм на два шухи, но у третим року тоти чокоти, глави мушице вибрац зос жеми.

Слуїи закопуйце крижком до каждого шестоґо шора, а у здлуж до каждого седмого — осмого. До велького гольта треба од прилики 90—110 фалати слупи, 500—600 кили дроту. За гнїздо викопце долїнку дас на 30 центи глїбоку. Под кореньом треба поровнац глїну

и посадзиц так да 15 центи глава будзе од верх жеми нука. Около ней наруцайце мелкей глїни дас на 6—7 центи, а вец гною. Кед на яр садзице, теди гною наруцайце до долїнки, наньго дакус глїни. Положце садник, а наньго мелкей глїни лєм дас на 3—4 центи. Кед хмель почне уж гонїц, треба гу ньому заджобнуц колїк, а на далей шпаргу вяжце од нього до дрота так да ше по ней можу цагац два коруни двох главах. Шпарги Вам будзе требац на єден вельки гольт дас 22 кили зос 32 номери. При вязаню шпарги на ню такей округе коруну раз — двараз од правого боку гу себе на лїво горе. Хмель ше круци за слунком, зато так и його треба започац круциц, бо ше Вам иньшак на далей одкруци.

Кед младїки вирости уж на 30 центи, теди долїнки, котри до терас були открыти, можеце загарнуц.

Хмель окопац не сануйце гоч и двараз до рока, да газ около нього не рошне, бо од бере од нього моц.

Вельо нашо газдове ше подняли на тоту роботу особито того року, ми им жичиме щєшлїве напредованє!

У интересу каждому, хто ма посадзєно хмелю, да ше удружую, же би им не збили цену хмеля. Интересирайце ше за Удруженє Производителюх Хмеля у Новим Саду!

Газдовство

Як да пририхтаме жем и як да садзице хмель?

На схацки културного клуба земледїлцох у Р. Керестуре п. Оспф Будиньски тримал слїдующе преподаванє:

За хмель порихтац жем най-

згоднейше у августу мешацу. Теди не маме тельо вельо роботи, бо косидба уж прєшла, а ламачка ище далєко. Но и друга причина нам показує, же да ше до нашей тей роботи лапаме у августу. У тим мешацу оробєна жем злєгне ше, випочинєє. а през жиму добре вимаржнєє.

ШИРОМ ШВЕТА

Италїя

ПРИБЛїЖЕНЄ ГУ РУМУНІИ

Талиянска влада надумала да службєно у своім парламенту вияви, же Бєсарабїя, котру Румунє одтаргли од Русїи припада Румунїи. Политичаре видза

у тим намирєнїє Англиї да большевицку Русию цо баржей сцишнєє.

ВОГНИ ВЕЖБИ.

Пред даскельо днями обачело ше, же при нашей гранїци Италїя доставєла вельке войске и же дума отримац воєни вежби.

ФЕЛЬТОН

Житїє св. Кирила и Меѳодїя

17. Остатнї роки св. Меѳодїя.

Св. Меѳодїй врацєл ше з Риму поцєшєни и оправдани до Моравїи. Але ту не нашол правого мира. Вихинг не бул єпископом по Шерцу Божим, але намєник, котри робєл то, цо му заповєдал погубєни княз Святополк. Вон сам видумовал вшелїяки писма, фалсификовал їх и пред народом гуторєл, же їх достал од Папи. У тих писмох подкоповал чєсц св. Меѳодїя. Св. Меѳодїй жаловал ше пред Папом и питал Папу, чи даяки писма процив нього писал Вихингу. Папа дораз одписал, же нічого не писал. Вон на ново хвалї його ревнєсц и цєши го пре телї церпеня.

Св. Меѳодїй мал наисцє вельо роботи: мушел ше старац за вихованє учєнїкох, преводзиц Святе Писмо и видавац други побожнї кнїшки. Його учєнїки були найвєцєй з простого народу. Прето мал з нїма вельо роботи, док їх приготовєл на священїчєску службу и у добру утвердзєл.

18. Шмерц св. Меѳодїя.

Св. Меѳодїй мал уж понад 70 роки. Вельки труди и роботи одобрали му тїлеснї сили. Приблїжовала ше остатня його годзина. Стари — славянски животопис так описує його остатнї часи:

„Так вон шицки тяшкосци прємог, течєнїє живота скончєл, виру сохрєнєл и чєкал на вєнєц правди.

Понєже так совистно Богу служєл, прето го Бог так любєл. Приблїжєл ше час, дє вон мал прїяц мир и плацу за труд. На квитну недзєлю позбєрало ше у церкви вельке множество народа. Меѳодїй бул уж барз слаби, але ище ишол до церкви. З трясучима руками поблагословєл княза, священство и народ. Потим висказал: „останьцє коло мнє до трєцєго дня“.

Кед ше розвидняло трєцєго дня, прєгварєл слова: „Отчє до рукох Твоїх придавам дух свой“ и умар на рукох своїх учєнїкох 5-го априла 885. року.

Учєнїки Меѳодїйови окончєли молитви за усопших на славянском, грєчєском и латинском язїку. Мертвє тїло своєго доброго пастира прєнєсли до каѳєдралней церкви на Вєлєграду. Бєзчислєнє множество народа зос швичками у рукох стало у церкви и оплаковало доброго своєго учителя и пастира.

„О Ти Святи и прєдобри наш Учителю и настоятелю, попать на нас и помагай тим, котри до Тебє прибїгаю,“ — так модлєди вирнї учєнїки Меѳодїйови. „Помагай нам, помагай нам, своїм учєнїком шириц праву виру, розганяц цму поганства и бєзвирства, же би и ми раз як Твоє стадо пришли до Тебє с десну Исуса Христа, кому най будзє чєсц и слава на вики вєков“.

19. Меѳодїйово учєники вигнани з Моравїи.

Нєпрїятєлє св. Меѳодїя лєдва дочекали його шмерц. Дораз по його шмерци повиганяли шицких його учєнїкох. Вони нашли заклон у Хорватох, Сєрбох и Болгарох. Вшадзи ширєли славянски кнїжки

Япан

НОВЕ ТРЕШЕНЕ ЖЕМИ

Прешлого тижня осетело ше у даедних япанских варошох вельке трешене жеми, котре тирвало 3 минути. Два вароши подполно звалени а вельо людзох погинуло.

Америка

ВИБЕРАНКА НОВОГО ПРЕДСИДАТЕЛЯ

Року 1928 треба, да ше вибере нови председатель Соединених американских державох. Уж тераз ше барз агитира за кандидатох Кулиджа и Девса. Випатре, же Девс над-влада, бо вон познати по своім плану, котрого виробел, за оздравлене економских пововених обставинох.

Греческа

КИРВАВИ ШТРАЙК

У Греческей пришло до нового штрајку и штрајкаше сцели отримач у Атини явни збор, але полиция им то не дозволило. Понеже ше не сцели розисц, то войско до них штреляло и вельо ранених и мертвих.

Австрія

ОПЕРАЦИЯ ЗА КРАСОТУ

Новини пишу, же у Видно (Бейчу) отримала преподаице една дохторка Сизана Ноел о тим, як ше поедини часци цело особено на лицу можо оперирац, же би лице вишло краше. Так ше еден, котри мал кривн нос дал оперирац и положиц себе прави. Таки операцији за красоту особено части при женох. Ето за красоту цела не чешко прецерпиц а ни операцию, а за красоту души превелім чешко и пол годзини клечац на споведзи.

ЦО МОЖЕ ЗЛОГА?

Католици Соединених Американских державох указую надзвичайну злогу медзи собу и помагаю еден другогю. Лем у едним тижню збудовали вони 46 здаиоих, и то 22 церкви, 4 основни школи, 14 школи, 1 лабораторий, 2 шпитали и 2 манастири. То ше вола свидомосц.

Француска

ШМЕРЦ ШПИОНА

Тих дньох забил ше Жан Бидген познати шпион над католиками. За време влади Фрамасона Камба, вон шпионирал, котри офицер идзе до церкви и котри ше припознава католиком та их приявльовал, а офицере були отпушени зос служби. Кед його работа открита достал од Комба 80.000 франки и сцекол. Тераз ше сам забил.

Мехико

МАЛИ МУЧЕНИК ЗА СВЯТУ ВИРУ

Пречитайце шицки тоти да-скельо слова, а особено ви млади и дзеци. — У Мексикку у Америку председатель Жид Калес страшно прегони католицку церкву. Владикох позанерали до цеміици, бо не спели послухац роскази безбожного жиди Калеса, священікох и вирнікох веліх пороштрельовали, бо не сцели затаїц святу виру. — Нашол ше спомедзи старних мученикох и еден 12 рочни хлапец. Опец и мац добре го виховали у святей вири. Вон видзел, як безбожни большевики муча християнох. Гоч бул ище мали, але и вон жадал дацо зробиц за святу виру. Забрал католицки кнїшки и новини и то розношел. Безбожни большевики, котри на шицки уста крича, же сцу дац шицким людзом шлебоду, влапели того

малого хлапца. Питали ше од нього: хто ци дал тоти новини и кнїшки? Хлапец не давал ніякого отвита. Вони го почали немилосердно биц. Хлапец ніч не одповедал. Приведли ту його мацер, да го вона нагвари, най їм пове, цо го питаю. Але подобна мац мацери у макабейских синох по цихо шепнула свойому дзецку: „сичоцку, витримай до конца. Не гутор ніч“. И хлапец як неми. — Полицае далє го бичовали. Кед з тим ніч не посцигли, поламали му руки. Дзецко церпи, але неме. Болі були страшни и хлапец спаднул од больох. Умераюци на глас вигварел, да шицки чую: „Най жеі Христос цар!“

и придал невинну свою душу до рукох Створителя своего.

Вира католицка у шицких вицох була прогонена. Ніхто не прогоні други вири, други церкви, але їх ище и помагаю. По словох Христа Господа неприятеле Божи проганели його и проганяю и його ученикох. Так будзе до конца швета. То еден од наймоцнейших доказох за правдивосц Церкви католицкей

Але церква католицка мала вше своїх мученикох, котри за виру не лем церпели, але и умерали.

Тримайме ше твардо святей вири, бо то найвекши дар Божи. Кто виру страци, тот препад на вики.

Вшеліячина

ЯК ШЕ МАЦЕ!

Тоти слова су вопрос гу каждей бешеди, кед ше людзе зйду. „Як ше маце“, питал папонец едного своего богатого човека, котри ше превельо бизовал на своей богатство. — Глібоко здихнул себе богач и спокойно отвитовал: „Зло. Не служи ми здраве, единіца ми дзівка нещешліво жеі з мужом своим, а единак снн мой марно-тратїт.“

Идзе папонец далєй по валале, а пред нього ступел еден други газда, котри мал 4 синох 3 дзівки а не вельо жеми. — „Як ше маце, бачи С?“ — Слава Богу, добре,“ одврацел газда. „Синове ми добри и послушни, а дзівчата ище лепши. Работа нам идзе од руки. Здрави зме, а попри то шицко добре и у мире.“ —

Священїк пошел далєй и сам у себе роздумовал: Кто од тих щасливши? — Отвит глашел: щасливши тот, дзе благослов Божи. — До вика буду вредзиц слова Божи: „Кед Бог не збу-

дує дом, дармо ше трудза будовніци.“ Вецей вредзи і филлир з Божим Благословом, як тисячки без Божого благослова.

КОШНЯ

Кошня бива у каждей рочней доби и то у розлічних країоих.

У януару дозрева шаце у Аргентини и Австралији;

у фебруару дозрева шаце у Индији;

у марту дозрева шаце у Палестини и Египту;

у априлу дозрева шаце у Малой Азији, Перзији и Мексикку;

у маю дозрева шаце у Хини, Японии, Мароку;

у юнію дозрева шаце на Балкану, у нас, на у горцини, у Шпаніи, Калифорнији;

у юлію дозрева шаце у штрелдїей Европи;

у августу дозрева шаце у Белгїи, Голандији и Росији;

у септембру дозрева шаце у Шведскей и Норвешкей;

у октобру дозрева шаце у Шкотскей;

у новембру дозрева шаце у Трансвалу и Перу;

и почитане св. Кирила и Меодїя. Медзи Хорватами запровадзели славянски язык до богослужения, котри ше до тераз затримал у епархиоих: Сеньскей, Крчкей, Шибенскей и у поединих парохїоих у Далмацији. Найвекша часц ученикох св. Меодїя пошла до Болгарии и прето ше там найскорей розвинула литература на славянским языку. Отъ тамаль була пренешена на Україну и до Русији.

20. Кирил и Меодїй-Святителе.

Св. Кирил и Меодїй припадаю медзи найвекших святителюх католицкей Церкви. И едного и другогю дораз по их шмерци почитали як святого. Папа Лев XIII 1880. року наредзел почитане тих святых за цалу Церкву католицку.

Сам живот св. Кирила и Меодїя шведочи, же вони справдзе вельки Святителе. Родзени от племенитей фамилии, добре виховани и дома и у школах, не сцели забрац службу и достоїнства того швета; одрекли ше шицкогю свитскогю, же би легчеше могли служиц Господу Богу.

Вони пре шицких приклад християнскей смиреносци, велькодушней пожертвовносци и апостолскей ревносци у ширеню царства Божого на тим шведе.

Св. Кирил бул человек молитви. Бул учени и бистрого розуму, а при тим при каждем крочаю живота модлел од Господа, да го прошвици и да му поможе. Як ше вон модлел, шведочи нам слїдуючи приклад. Кед бул на мисии у Козарох навалели погански Козаре на дом, дзе вон бивал и страшно кричали. Св. Кирил у тот час ше модлел, и то так спо-

койно, як да ше ніч недогодело. Козаре го обколели и патрели, як ше вон модлі. Нараз ше пременели и постали мирни як ягнятка. Св. Кирила и его людзох пушцели на міру и превелі прїяли виру християнску.

Св. Кирил бул человек роботи. „Модлі ше и роб,“ то було його гасло. Хоч бул слаби по тілу и по здравлю, вон ше не бал чешкей, мисіонарскей роботи.

Святосц живота св. Кирила була така велька, же не було неприятелюх, котри би му ше могли опрец. Вон вшадзи бранел правду. У Риму пребивал лем кратки час, а сам папа Адриян II. и шицки Римляне спознали його святосц и дораз по шмерци почитали го якъ святого.

Св. Меодїй мушел вельо вецей церпиц як св. Кирил. Вон бул мученик любви до неумерлих душох, мученик любви до запушчених Славянох.

Св. Меодїй бул вельки князь Церкви. Ношел превельки хрести. Порядковал вельки покраїни, Панонию и Моравию, руководзел школи, учел и писал, док неприятеле зос шицких странах на нього навальовали.

Тот вельки князь бул таки смирени, же вшадзи давал першенство своему младшому братови.

Старославянски животопис пише о св. Меодїю, же вон бул жвератко шицких чесноток: богобойни, найсовистнейши у виполньованю заповидох Божих и церковних, чисти на души и тілу. Бул человек горячей молитви и вельких ділох. Бешеда му була силна. Любовь и церпезливосц були у нього звязани зос витривалосцу до конца. Св. Меодїй бул шицким шицко, же би шицких придобиц за Христа.

у децембру дозрева шаце у Задней Индији и у Бирми.

Так ше Бог стара за цали швет и дава каждому народу теди, кед му потребно тото шицко, цо котри народ треба.

СКОРЕЙ НЕ ИДЗ НА ПОЧИНОК

док не роздумаш: „цо ши днешнього дня окончел? Яки ши повиносци не окончел! — Прейдз так цали дзень, и добре ше випитай, чи ши не зробел даяке зло. — Кед ци совисц пове, же ши добре творел, радуи ше и Богу“, так учел своїх ученикох поганьски учитель Питагора.

А ми християне добре робиме, кед пред спаньом вше випитае свою совисц. Цо найдземе у себе зла, за то ше кайме пред Богом и постановме шицко поправиц. — За шицко добре Богу сердечно дзекуйме, бо од Бога шицко добре.

УМАРЛА ОД ШМИХУ

Дохторе доказали, же умерени шмих добре роби и хаснуе. цалому организму человека. Але неумерени шмих зна буц барз чкодливи, особено кед ше патри у биоскопах. Недавно умарла у едним кину 15 рочна дзивка од велького шмиху патраци представление, а 1923. року еден 70 рочни судия тиж од шмиху умар.

КЕЛЬО МЕСА ЖЕДЗА ПОЕДИНИ НАРОДИ

Медзинародни уряд обявлюе, кельо ше мяса пов у поединих крайох. Так н. пр. у Немецкей р. 1924. на едного человека припада 40 кили мяса, Англии 33 кг. Француска 36 кг. Найве-

цей жедза мяса у Аргентини и то 172 кг. приходза на едного человека а наймене у Италији 11 кг. Наша Бачка цигурно, же е не на остатним месце.

ПЕСЯ ВОЛНА

Крем овцох, котрих людзе уж тельо столитюх штригаю зажадали себе штригац и псох, Спробовали у Францускей и прешведчели ше, же еден пес штретней велькосци може мац до 2 кили волни так добрей мегкей и цеплей ягод и з овцох. Ище будземе ношиц и шмати зос пессей волни.

НАЙРОЗШИРЕНШИ БЕШЕДИ

Найрозширениша бешедна швецца ест Китайска. Зос ню бешедуе 435 мил. людзох. Вец приходзи индуска, з котру бешедуе 230 мил. людзох. Потим английска, з котру бешедуе 165 мил. людзох.

КРАЙ У КОТРИМ ШЕ ДЛУГО ЖИЕ

Як пишу новини у Австрији ше находзи 35.000 людзох, котри маю понад 80 роки живота. Другше жию жени, бо од тих 35 тисацох ест 20.000 женох.

КОЛО ШВЕТА БЕЗ ОТПОЧИВКУ

У немецким варошу Фридрихсхафен будую еден Цепелин (воздушни балон) з котрим будзе возможно обийсц кулю жемску без прерви путешествия. Пренашли и гу томе газ, котри барз легки и зос котрим мож будзе путовац 60.000 милі.

Швечочни отпочивок

НЕДЗ. 2 ПОСТА

ЕВАНГ. МАРК, ЧЛ. 2. ЗАЧ. 7.

Во время оно, вниде Иисусъ въ Капернаумъ по днешъ и слышано быст, яко въ дому ест. И абіе собращася мнози, якоже ктому не вмѣстятися ни при дверехъ и глаголаше имъ слово. И придоша къ нему, носяще расслаблена (жилами) носима четверми. И не могущимъ приближитися къ нему народа ради, открыша покровъ, идѣже бѣ, и прокопавше свѣсиша одръ, на немже расслабленный лежаше. Видѣвъ же Иисусъ вѣру ихъ, глагола расслабленному: чадо отпущаются тебѣ грѣси твои. Бяху же нѣщии от книжникъ ту сѣдяще, и

помышляюще въ сердцѣхъ своихъ: что сей тако глаголетъ хулы, кто можетъ оставляти грѣхи, токмо единъ Богъ. И абіе разумѣвъ Иисусъ духомъ своимъ, яко тако ти помышляютъ въ себѣ, рече имъ: что сія помышляете въ сердцяхъ вашихъ? что ест удобѣе? рещи расслабленному: отпущаются тебѣ грѣси, или рещи востани, и возми одръ твой и ходи? Но да увѣсте яко власть иматъ Сынъ Человѣческій на земли отпущати грѣхи глагола расслабленному тебѣ глаголю востани, и возми одръ твой, и иди въ домъ твой. И воста абіе и въземъ одръ, възиде предъ всѣми: яко дивитися всѣмъ и славити Бога,

глаголющимъ яко николиже тако видѣхом.

Спаситель наш, Иисус Христос, любел часто заходяци за време свойого явного дѣйствованя до варошику Кафарнауму. Так и терас читаме у св. Евангелии, же там нашол и вошол до едного обисца, — дому.

Кед то зачул народ, такой ше у вельким числу збегнул до того дому, дзе ше находзел Иисус, же ше не могли змесцица и при дзверох не було места.

Ствар розумлва и природна! Кед шерцо праведного человека осети при себе силу десници божей, або блѣжину свойого Бога, теди воно дораз цала человека гу свойому Пану-Створителю, да знім будзе, да знім ведно живе и вичну радосту ужива. Прето ше не чудуйме, же за Христом през три роки явного науччованя ишло вше вельке множество людзох, бо вони сетяли у Ним свойого Откупителю — Месию.

Добре робели Капернаумци и их блѣжни, же ше згарли гу Христу до дому, дзе бул, бо там, дзе пребывал Иисус, — там ше воистину находзе дом Божий и врата небесна; там треба да ше приближи народ гу свойому Богу, тамда му укаже любов шерцох своих, и поклоненіе розума и волі своей; Там треба да будзе зязани з Богом у любви и страху божим, — то так исто медзисобно — як браца и шестри — у любви, братству и поштованю. Так мушшме и ми твориц. И ми мушшме на тим швецца гледац свойого Бога там найблѣжей. А дзе тот дом? То су церкви наше дзе ше гу нам спуцел г. Бог; дзе нас учи Правду, по священнику, дзе нас храні у св. Евхаристии, и вяже до единства у християнскей любви.

Без любви не мож буц спасени, а церкви наше, як прави доми, дзе бива Бог — розширую на швецца любов гу Богу и блѣжному. Ту ше розсадуе любов, потребна за спасене души; у соборней молитви, у соб. причасци, у собор. богослуженю, у казаню, и у шицких ділох и милосердних учинкох, цо их нам Мати Церква у мену Христовим дзелі з дня на дзень, и будзе дзеліц до конца швета.

Швет е самолюбни; Вон розлучуе людзох у зависци и мержні, а церкви — доми божо, — вони сцагую людзох, до едней громади у церквох, и вяжу их медзисобно до християнского братства!

О, наисце су наше христ. церкви, „Ліствици од землі до неба и врата небесная“, — бо нас водза гу Богу и вичному щесцу. Церкви нас приготавлию за небо; бо з олтарох нам роша любов божу, з казателничох вичну правду христову, а зос споведалничох даваю нам чесни живот. И теди, кед страциме ключ спасения з рукох — у чужких грихох, — церква нам го назад враца у тайни покаянния и дзвига нас горе, на ствацену ліствицу — гу Богу у св. причасци. О, яка святиця и сила находзи ше у наших церквох!! Гарніме ше до нїх кажди дзень, и кажде швете, бо там наш Бог, наш Иисус, цо чека и отпуща наше грихи, а

дава расслабленому целу и душн вични живот.

М. Мудри.

Подзековане

Подписана управа Широтиньца у Шиду дзекуе п. Яковови Ердельови за дарунку од 200 дин. за наше широти.

Шид 4. III. 1927.

С. С. Василянки

Нашо претплатніци

На 1927 рок обновели свою претплату слідуоци п. п.: Михал Олсар, Петровци, 100 д. Дюра Мудри, Миклушевци, 100 д. Осиф Гаднянски, музик. 50 д. Янко Полдруги, Коцур, 100 д. Мелана Папуга, Хомонд Америка, 140 д. Митро Сегеди, Р. Керестур, 100 д. Янко Малацко, Р. Керестур 100 д. Янко Чакан, Р. Керестур, 100 д. Дионис Будински, Дюрдьов, 100 д. Максим Давосир, учитель, Дюрдьов, 100 д. Янко Новта Ст. Врбас 100 д.

БЕРЗА

Берлин 1 злата марка	13.46 д.
Будим. 100.000 мадь. кр.	79.— „
Италия 100 лира	251.— „
Букарест 100 лей	32.— „
Лондон 1 фунд. штер.	275.25 „
Нью-Йорк 1 доллар	56.58 „
Париз 100 франки	224.24 „
Праг 100 Чес. кр.	167.65 „
Ақциі З. К. Б. Д. Д.	325 „
Швайцарска 1 франк	10.97 „
Виден 1 шилинг	8.— „
Наполендор 1 ком.	190.— „
20 златних корун	190.— „
10 „ „	95.— „
Сеферин	400.— „
Дукат	100.— „
1 круна у сребру	3.— „
5 „ „	15.— „
1 форинт „	6.— „

7% держав. позичка за 100 динара ном. 70— дин. 2 1/2 % ратна штета за 1000. дин. ном 290— дин.

За злато и за вредносни папери плацаю банки потполни курс, а за валути о даскельо повна меней.

Тарговина

Жито	306.— Д
Кукурица	160.— „
Хмель	10—11.000 „
Мука нулерова	426.— „
„ хлебова	420.— „
Млеко литра	3—4.— „
Качки	35—60.— „
Гуски клокани кг.	65—90.— „
Говедзина	16 20.— „
Швиньске месо	20—22.— „
Целечина	28—30.— „
Слапїна сушена	22—25.— „